



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Jtem exemplar Epistolæ eiusdem Papæ, ad Domnum Pippinum regem per Langbard directa, in qua continentur gratiarum actiones, & vberriimæ benedictiones pro vita, & incolumitate ipsius, vel Domini Caroli ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Coniberto, vestro fidelissimo Vasso iniuximus cuncta liquidius vestrae regali potentiae suggerere; sed & hoc obnixè postulamus, benignam excellentiam vestram vt missos vestros aptos, quales vobis placuerint, ad nos dirigere debeatis, qui in nostro inueniantur esse auxilio, vnus tamen ex eis vsque Ticinum properare debeat, vt dum cum Desiderio Rege loquutus fuerit, quicquid eis in responsis reddiderit, vestrae excellentiae renunciet, reliqui vero duo cum vestro disposito & ordinatione, apud nos coniungere festinent, vt in nostro, vt dictum est, consistant auxilio. Incolumem excellentiam vestram gratia superna custodiat.

*Item exemplar Epistole eiusdem Papae, ad
Domnum Pippinum regem per Langbard directæ, in qua con-
tinentur gratiarum actiones, & vberissima benedictiones pro
vita, & incolumitate ipsius, vel Domini Caroli & Carloman-
ni, nobilissimis liberis eius, volens adiutorium obtinere, cum
multis adiurationibus contra Langobardos, & in ^{*} Embolum
continetur præceptum, quod Marino presbytero direxit,
de titulo Chryfogoni & de libris, quos
ei transmisit.*

XXV.

*Summ. 18.
apud Bar.
& Cent.*

DOMNO excellentissimo filio, & nostro spirita-
li compatri Pippino Regi Francorum, & Pa-
tricio Romanorum Paulus Papa. Properans
ad nos harum litterarum transuector, Langbard scili-
cet, illustris vir, fidelis eximietatis vestrae Missus, decu-
lit vobis, nectaream atq; florigeram à Deo protectæ
Excellentiae vestrae Syllabarum relationem, cuius ad-
nexam paginam enucleatius perscrutantes, quæ textus
eius

eius loquebatur, ad singula comperimus. In ipsis quippe sublimitatis vestræ affatibus, desiderabilem nobis & super omnia huiusmodi delectamenta amplexabilem sospitatis vestræ læticiam agnoscentes, vberiore nostri animi ouantes gaudio, maximè sumus relaxati, in id, q, optata nostri promeruimus comperire cordis, & postmodum nostris à vestris Deo imitabilibus vestigiis reuertentibus Missis, & ea ipsa vestræ prosperitatis gaudia deferentes à nobis in respōsis, gemina exultationis iocunditas nostro inserta est cordi. Nam & dum in auribus omnis sacerdotum cleri, etiā optimatum & reliqui populi, ampliata vestra insonuisset prosperitatis læticia, & ex hoc nimio gaudio repleti gratulantes, exultarunt vna nobiscum in Domino, agnita nimirum proprij, post Deum, defensoris sospitate.

Porro excellentissime & à Deo seruate fili, & spiritalis Cōpater, vehementi dilectione vos erga amorē Apostolorū principis, B. Petri, atq; circa nostrā charitatē vos flagrare experimēto didicimus, presertim dū ipsa excellentiæ vestræ Epistola charitatis calamo cernitur esse cōscripta; etenim ex corde lingua tinxerat; q, in chartę refundebat paginā. Quam ob rem magnas gratiarū actiones à Deo protectæ Excellentiæ vestræ referimus, quoniā dum nimirum diuina te clementia, per interuentū sui principis Apostolorū, defensorem atq; opitulatorem, benignissime Rex, sanctæ suæ constituit Ecclesię, cura vestræ eximietati insistat perfectā redemptionē istius prouinciæ atq; exaltationē huius sacrosanctę Ecclesię procurare. Vnde Dñi Dei nostri, vna cum vniuerso populo nobis comisso, imploramus clementiā, vt sua vos protegat gratia & victoriā vobis de cœlo ministrans, cunctas barbaras nationes vestris
subii-

subiiciat vestigiis, & longauiter regni gubernacula faciat promereri, vna cum dulcissima vestra coniuge, excellentissima regina, spiritale nostra commatre, & vestris nostrisq; amantissimis natis Domno Carolo & Carlomanno potentissimis Regibus, & Domna Gisila excellentissima, & vitæ æternæ cum electis Dei concedat gaudia.

Peto itaq; & deprecor te, Excellentissime fili, & spiritalis Compater, atq; per omnipotentem Deum, & corpus B. Petri, cuius & optimus fidelis existis, coniuro, & maximis supplicationibus deosco, quatenus iubeas sedule in tuo sancto, & à Deo inspirato mellifluo corde * confertum retinere; illud, quod vos sanctæ recordationis Dominus & germanus noster, beatissimus Stephanus Papa, Dei nutu admonuit, atq; deprecatus est peragendum, & in ea charitate atque amicitia permanere, cunctaq; qualiter vos terribili adhortatione petiit ad id, implere, & effectui mancipare iubeatis, vt perfectam mercedem, & repositam plenissime redemptionis nostræ coronam à iusto iudice omnium conditore, Domino Deo nostro, qui vos in regem vnxit; consequi mereamini, & gaudia æterna beatitudinis cum sanctis & electis Dei, dum plebem Dominicam perfectius liberans atque sanctam Dei Ecclesiã defendens, diuinæ maiestati illæssum à seuentium malitia præseruaueris, pro quo & magna, post Deum, benignissime Rex, in tuæ pollicitationis sponcione quam B. Petro contulisti, spei gerimus fiduciam, vna cum omni populo istius prouinciæ à vobis redempto.

Salutant itaque communem excellentiæ vestræ Christianitatem, cuncti sacerdotes & clerus istius sacro-

cro-

cro sanctę Catholicę & Apostolicę Romanę Ecclesię. Salutant vos, & cunctus procerum senatus atq; diuersi populi congregatio, optantes vna nobiscum, de vestra amplissima prosperitate & vberissima lætitia diu gaudere & in Domino Deo salutari nostro exultare. Incolumem Excellentiam vestram gratia superna custodiat.

Embolum.

Per aliam quippe epistolam suam, à Deo protecta eximietas vestra sicut certè suo bene cupienti patri direxit, quatenus Titulum protectoris vestri beati Christi martyris Chrysogoni cum omnibus sibi pertinentibus dilectissimo atq; fidelissimo vobis Marino presbytero concedere deberemus: De quo & præceptum nobis dirigi petistis, quod nempe ob vestram dilectionem, & in eo, quod fidelis vester, nosterq; idem sanctissimus atq; dilectissimus Marinus presbyter existit, præfati tituli præceptum, cum omnibus locis & possessionibus sibi pertinentibus, urbanis vel rusticis, vobis exaratum, atq; manu nostra roboratū, per harum latorem direximus eximietati vestrę deportandum. Direximus etiam excellentissimę præcellentię vestrę & libros, quantos reperire potuimus, id est, Antiphonale & Responsale, in simul artem * Grammaticam, Aristotelis, Dionysij Ariopagitę libros, Geometri-
* f. Dialo-
dicam
cam, Orthographiam, Grammaticam, omnes
Græco eloquio scriptores, nec non &
horologium noctur-
num.



R

Item

*Item exemplar Epistola eiusdem Papae ad
Domnum Pippinum regem, per Wulfardum & socios eius di-
recta, in qua continentur uberrimae laudes, & de Missis
Apostolicis vel Graecorum in Francia moranti-
bus, seu de * Georgio & Petro.*

* Centur.
Gregorio
Episcopo.

Summ. 16.
apud Bar.
& Cent.

XXVI.

DOMNO excellentissimo filio, & nostro spirita-
li compatri Pippino Francorum Regi, & Pa-
tricio Romanorum Paulus Papa. Votiva
cordis nostri desideria, & intimi pectoris affectum, ut
vestrae Excellentiae beneficiorum suffragia sanctae Dei
Ecclesiae vota proferentes, optabilem, nimisq; amabi-
lem salutem praecelsae Christianitati vestrae, atq; excel-
lentissimae, & nostrae benignissimae filiae & commatri,
optimae Reginae; simulq; amantissimis ac praeclearis
vestris, nostrisq; in Christo amabilibus filiis, Carolo &
Carlomanno, excellentissimis Regibus Francorum,
& patriciis Romanorum, nec non & omnibus Reue-
rentissimis fratribus nostris, ac dilectissimis nobis Epi-
scopis, presbyteris, etiam religiosis Abbatibus, simulq;
& cunctis optimatibus, iudicibus, Ducibus videlicet &
Comitibus, nec non & uniuerso a Christo protecti
Francorum Regni populo vobis subiacentibus, desti-
namus perennem salutem persistentes etiam vna no-
biscum, & in osculo charitatis vos amplectentes, uni-
uersi sanctissimi fratres nostri Episcopi, presbyteri et-
iam, & cunctus sanctae & spiritualis matris vestrae, Roma-
nae Ecclesiae clericorum ordo, & procerum, optima-
tum & uniuersi Romani magni vel minoris congre-
gatio sedulis interuentionibus pro vita, & incolumi-
tatis vestrae laetitia, coelitusq; vobis concedendis victo-
riis,